

餘杭縣志卷三十七

風俗

舊志所載風俗凡歲時禮節吉凶儀文與他邑小有同異
茲所錄者大都因仍原文稍加刪潤間有數條採他書之
為餘邑作者冠之簡首云

吳郡餘杭川澤沃衍其人君子尚禮庸庶厚龐隋志

京兆統九縣惟餘杭置自漢其俗尊愛良吏猶有兩都之餘

風宋劉令暉
潛公井記

餘杭山水之邑其民多秀而知學昔者龜山楊先生嘗宰斯

邑其流風善政猶有存者明徐一夔學記

餘杭縣志

卷三十七

風俗

一

餘杭絃誦首善距今二百年餘文風益振人才益盛豈非山

川秀氣之所鍾耶明沈慶學記

苕固材藪鄒文敏康靖而後蟬聯簪組代不乏人明王祺學記

餘杭素號簡淳近一二猥囂習法律浸以成俗今且告訐相

傾莫為之禁徐梓張侯碑

餘杭風俗喜訐訟以相高豪之魁者剽竊律例構鬥是非以

恣起滅蓋積習使然田汝成趙丞序

餘杭古望邑西北皆深山大谷崎嶇嶮峻中亦有平壤流泉

竹木森茂自南以東地漸寬衍諸水支脈通接民亦早作

晏休務盡地利之所有嘉靖縣志下同

民有至老不見官府者見人惟作方言一時不能通曉有古
人遺風

俗近還淳富室子弟循循雅飭崇朴素而去浮華遠詐僞而
近禮義凡百差役樂於趨事士大夫能以禮義自防婚嫁
喪葬一從簡約擅科第登顯位者皆崇尚名節代不乏人
女子勤織紉尤善御蠶事遇蠶月鄰里水火不相借至蠶熟
繭成始相問慰點茶爲樂

嫠居有貞烈者多至餓死不再醮

閭巷童穉皆知服業百工技藝舊皆外郡之人今多出本邑
南鄉舊時里遞豪橫欺凌小戶近益殷實多事收斂積習猶

餘杭縣志

卷三十七

風俗

二

沿一釐而飭之稱樂郊矣北鄉風俗朴茂篤行力作頗有

太古遺風

萬歷縣志下同

居喪習于儀文多用浮屠動鼓樂且盛酒饌以待客力不能
支遂爲擇日開靈之說或溺堪輿家言停柩不舉各鄉有
一室數棺百年無抔土者嗚呼親喪自盡奈何沿末俗而
不之省與

祭則家各異時忌日無論貧富皆行 清明日具牲醪率男
婦拜墓祭畢飲胙有因而使酒修鄰至傷族誼者敝俗相
沿爲家督者安所辭責

婚姻之禮初極簡樸近始有行問名之禮名曰拜允間卽有

以幣釧送遺者名曰報吉至于納采則曰下盤及婚期女
家行笄醮之禮男家鮮行奠雁祇以鼓吹儀仗用誇里俗
女嫁或父及兄若弟往送之三日行廟見禮送茶于公姑

彌月卽歸寧焉

續縣志
下同

喪葬之禮初喪之一二日成殮殮必用單日殮畢成服受弔
或二日或三日掩靈弔用楮鏹之禮非親近弗納喪次用
浮屠道衆設經醮俗稱做七或踰歲年擇日發引喪弔之
儀一如初喪而題主祀土必擇齒爵之尊者

餘邑山田錯處男務稼穡女勤織紉故春蠶秋穀各登一熟
其農事八月登場者謂之早稻又謂之黃粬重陽後登場

餘杭縣志

卷三十七

風俗

三

者謂之晚稻又謂之冬春大槩山田宜早收故多粬種原
田宜晚熟故多晚種山田僅登一穀而原田又宜麥宜豆
歲可二登其治蠶之法邑婦女無不善其事者自蠶出種
之日以至登箔繅絲夜勤晝作大約四十日爲期有司特
停征訟寒食後數日取蠶種置煖處謂之護種出種數日
爲初眠又四五日爲二眠其後三眠大眠亦如之又踰數
日而登箔謂之上山採繭謂之下山以筐數多少較繭數
之重輕以定分數有七八九分十分者爲最擇繭之細白
者以繅絲雙蠶合繭謂之同功繭用以成綿此爲完糧抵
債之用蠶遇薄收則剝肉補瘡幾與五穀不熟等有仰屋

而嗟者矣

從來風俗好尚必士大夫先開之餘邑縉紳向稱尊德尚行安于儉嗇或新登科目不似三吳遽收臧獲田產以爲夸卽宦成之後亦無紈綺伎妾之畜鼎彝器玩之儲竟有名列縉紳其家等於編氓者閱近籍縉紳之產多不踰中人其故可知也至土風最稱淳朴初多閉戶自修佔畢于四子六經以揣摩制義爲事比來名心漸熾馳騖應求乃士風之一變甚或輕裘紈綺絢外而槁中所賴司教化者之轉移匪尠也

按碧溪詩話餘杭俗朴不事華飾常著布衣不尚紈綺教諭任昌運有詩云山城質朴古今稀風俗皆穿大布

餘杭縣志

卷三十七

風俗

四

衣但看歸田諸貴客
不曾裘馬愛輕肥

正月元旦晨起長幼肅衣冠炷香列炬拜天地次拜家廟徧拜尊長及謁宗親隣里曰拜年圍爐火于中堂插冬青柏枝芝蔴萁爲歲朝吉利不汲水不乞火不汎掃三日開市農家占風雨驗一歲豐歉

正月十五日爲上元節先數日賣燈于市燈皆楮練爲之鏤人物花木蟲魚之象至期結棚衢巷各神廟尤盛游觀者隨燈所徵逐村氓童穉結隊跳燈有行龍走馬舞獅滾球秧歌花神之屬鉦鼓喧闐前後五日叢祠里巷多唱盲詞爲樂元宵食粉資取團圓之義卜紫姑神以驗一歲之凶

吉

二月望日爲漢令陳明府君誕辰卽南湖廟所祀天曹也往例慶賀迎神前後三四日間族旗鼓吹鹵簿威儀備極華絢造以徑丈輿臺數十人舁之以行臺上設假山亭閣用數齡童子層次縹緲作仙佛長官及采蘭贈芍之形爭奇鬪豔以致窮鄉土女歌呼連袂充街塞巷

清明前兩日謂之寒食門簷皆插楊柳土女並出上墳以紙錢掛于先墓謂之標墓祭掃畢散胙釀飲宗族繁茂者分值祠產司祭或前後各有定期兼旬未已

三月三日農家以是夜聽蛙聲占水旱測稠桑之貴賤

餘杭縣志

卷三十七

風俗

五

立夏之日以櫻桃新茶薦祖廟雜以諸果各相餽遺謂之立夏茶乞鄰麥爲飯云解疰夏之疾

端午爲天中節先日道家書送靈符貼于門以辟惡五日懸艾虎飲菖蒲酒和以雄黃食角黍以相餽送小兒佩符篆簪百部草繫五色絲于臂名曰健線採百草焚之以辟蚊蚋男婦拔秧刈苧以應時令南渠及苕溪上下製龍舟爲

水嬉

按宋周必大歸廬陵日記隆興癸未五月辛卯朔遊徑山甲午下山抵餘杭山晚宿彭塢口乙未取道之富陽是日路中見村夫戴艾葉方記端午市十數粽均及僕隸

六月夏至爲伏閉日用宿麥作麵食以薦先每四日各以粉

果祀竈

立秋之夕農家望空舉聲羣相洶洶

七夕設瓜果于庭名曰巧果以五色縷度針名曰乞巧昔蔡經還家言七月七日王方平來至期方平乘羽車造經宅號曰織田田在邑之東南故至今邑中乞巧爲特盛

七月十五爲中元節奠祖先建盂蘭爲歲祀重典

八月十五爲中秋家以餅餌互相餽遺謂之月餅至夕男女團圍讌聚卽遠行者亦以是日旋赴爲喜

重九日食糝餌天氣晴朗皆登高飲燕效龍山會

十月朔日復如清明咸有展墓之祭婦女弗往散胙釀飲亦

不若春祭之盛

冬至謂之亞歲以糝糕奠其先凡新喪之家親鄰各持白燭拜靈喪家豐酒饌待之

冬至後三戌爲臘富戶以歲收之糧舂而納倉中今多束藁爲囤經歲不蛀俗呼爲冬舂米親朋互相餽問名曰餽歲十二月二十四日是日掃屋塵祀竈名曰送竈街市鳴鈺擊鼓放紙爆以爲逐疫鬼除不祥

除夕家以松盆燎天合男女尊卑聚飲一堂謂之分歲飲畢有終夜不寢者名曰守歲是夕鈺鼓與爆竹之聲達旦不息一歲風俗大略如此

祥異

自古水旱皆天災而祥瑞亦物異餘邑歷代諸書所載大都水旱多而物異少按代錄之父母斯民者瀏覽而時加修省焉異皆祥矣

宋文帝元嘉十三年餘杭縣高隄崩隕洪流迅激勢不可量

餘杭縣劉道錫躬先吏民親執版築塘既屹立縣始獲全

宋書
列傳

元嘉十九年夏四月戊申白龜見吳興餘杭太守文道恩以

獻宋書符瑞
志下同

元嘉二十年夏四月辛卯白龜見吳興餘杭揚州刺史始興

餘杭縣志

卷三十七

祥異

七

王濬以聞

廢帝昇明元年吳興餘杭舍亭禾葦樹生李實禾葦樹民間

所謂胡頹樹縣志舉正
引宋書

唐文宗大和六年夏五月杭州災疫詔賜米二萬石賑杭州

八縣萬歷府
志下同

宋太宗淳化二年夏五月餘杭縣亢旱己卯忽雷雨震驚大

風拔木瓦片悉飄以為龍經其地

真宗大中祥符五年大滌洞中出五色雲洞霄
圖志

高宗紹興五年八月臨安屬縣大水時洪水發天目山忽高

二丈許衝擊塘岸百餘所漂沒屋廬千五百餘家流尸散

入旁邑禾稼化爲腐草

續綱目

紹興六年六月乙巳夜臨安地震有聲自西北如雷餘杭縣爲甚詔罪己求直言

文獻通考

紹興十八年餘杭縣有牛生二犢一身

舊府志

按舊縣志云牛生犢二首一身

紹興三十二年夏六月癸巳淮蝗飛入浙西聲如風雨至七

月丙申飛徧畿縣餘杭仁和錢塘皆大蝗

萬歷府志下同

孝宗隆興二年夏六月餘杭縣大蝗

乾道五年五月餘杭縣民婦產子青而毛兩肉角又有二家

婦產子毛角亦如之皆連體兩面相嚮三家纔相去一二

餘杭縣志

卷三十七

祥異

八

里疴氣同所鍾也

文獻通考

淳熙三年八月臨安大雨水害稼癸未壤德勝江漲北新三

橋及錢塘仁和餘杭縣田

通志

按府志云萬歷府志及舊府志均載入二年今據宋史五行志作三年

淳熙十一年餘杭水災漂流民居萬數知臨安府張杓奏免

本縣舊逋民歌舞之

舊縣志

淳熙十二年餘杭縣有犢二首

宋史五行志

十四年民飢發廩賑之

文獻通考

光宗紹熙五年八月辛巳錢塘臨安新城富陽於潛縣大雨

水餘杭縣爲甚漂沒田廬死者無算

宋史五行志

寧宗嘉定三年五月富陽餘杭鹽官新城大雨水圯田廬市

郭通志
下同

嘉定六年六月丁亥於潛縣大水戊子錢塘餘杭臨安諸縣

水

嘉定十六年五月餘杭錢塘仁和三縣大水武林紀事

嘉定十七年春餘杭錢塘仁和三縣饑令帥臣賑之文獻通考下同

隆興二年夏六月畿縣餘杭大蝗

按通考嘉定二年八年皆有飛蝗入畿縣

隆興五年秋八月大水漂沒田廬死者無算舊縣志

按隆興無五年縣志誤

餘杭縣志

卷三十七 祥異

九

度宗咸淳十年八月癸丑大霖雨天目山崩水湧臨安餘杭

民溺死無算發米賑饑宋元進鑑

元世祖至元二十八年春二月杭州饑發粟賑臨安餘杭於

潛昌化新城等縣饑民府志

明太祖洪武五年七月餘杭山水暴湧漂流廬舍及人畜舊府志

志

洪武五年八月乙酉餘杭縣大風山谷水湧沒流廬舍及人

畜衆通志
下同

洪武九年六月壬辰錢塘仁和餘杭三縣水下田被浸者九

十五頃

洪武九年夏本縣大水詔遣國子生田齡等來浙驗災傷

舊縣志

洪武十年餘杭錢塘仁和三縣水

錢塘縣志

英宗景泰七年夏五月本縣霖雨瓦壑塘圯水湧入市居民

不安

舊縣志下同

按是年正月代宗被廢英宗復辟仍稱景泰七年

憲宗成化七年夏霖雨本縣大水決化灣塘淹沒田禾災及旁邑人民死亡無算本年兌軍糧乏巡按御史郭瑞以原派紹興等府南京倉糧代之

成化二十三年秋八月五色雲現於西北方

餘杭縣志

卷三十七

祥異

十

孝宗宏治十八年秋七月本縣暴雨山水漂房屋傷禾稼人多死者

宏治十八年九月癸巳杭州府地震有聲餘杭臨安於潛昌

化同日震

武林紀事

武宗正德三年夏五月餘杭大雨水

舊府志

正德三年夏五月大雨水湧南湖塘決漂流民居數百家

舊縣志

世宗嘉靖四年秋螟蟲生發禾苗根株不留鄉民以油灑之飛而去少頃復來忽生黑殼蟲無數食螟遂盡

嘉靖七年四月餘杭縣旱忽然大風雷雨雹大者如碗小者

如雞子較雨點更密人民驚走牛馬奔逸通志

嘉靖二十五年夏六月大蝗凡二日所過田禾草木俱盡秋

九月諸山虎聚成羣白日入人家傷人道路無獨行者見

傷不可勝紀且不可獵舊縣志

嘉靖三十八年餘杭竹生米甚多民間煮食之如大麥人云

是歲凶之兆西園雜記

神宗萬歷七年二月初五日辰時地震舊縣志

萬歷十二年大有年米每銀一兩糴米三石

萬歷十六年大疫大禔死者相藉

萬歷三十二年十一月初九日戌時地震河水騰湧起自西

餘杭縣志

卷三十七 祥異

十一

北

萬歷三十三年有五色靈鵲翔集於縣署三日始去令程汝

繼搆集瑞樓爲之記

萬歷三十四年南渠河清三閱月徹底藻荇可數

萬歷三十六年六月大水南湖北堤決漂沒民房街市乘船

舉網

萬歷三十七年仍大水鳳儀塘決居民受漂沒之苦

萬歷三十九年獲白兔於護國山

萬歷四十一年初夏大蝗人共捕之集以千斛計投滅於通

濟橋下秋大有年

國朝

順治十年四月諸鄉有虎警邑之太璞山前後忽見一巨獸
馬形高可八尺長丈餘紫鬣披覆如髮白身黑尾人不敢
近僅遙矚焉每逐虎至水涯而食之食間則飲水以潤吻
嗣是虎患頓息歷四月五月不知其所之蹤跡向所食虎
處唯見虎頭三四具及殘骨狼藉而已考之爾雅曰駁如
馬倨牙食虎豹此卽是也

舊縣志

按爾雅駁如馬倨牙食虎豹注引山海經云有獸白身黑尾正與山海經合又爾雅疏云駿亦野馬名也其狀如馬其牙倨曲而食虎豹也又按山海經西山經云中曲山有獸如馬而身黑二尾一角虎牙爪音如鼓名曰駿食虎豹可以禦兵語與爾雅注小異并識于此

餘杭縣志

卷三十七

祥異

十二

康熙元年春初浙右大饑餘杭尤甚餓殍載道

續縣志下同

康熙十一年邑八鄉七八月間禾苗正熟霪雨連綿忽生青

黑蟲食稼殆盡又有蟲暗食蠶子一空者民不聊生隣邑
皆然而餘杭更甚賴督撫二院題請蠲免知縣張思齊設

法捐賑民獲生全

康熙十八年大旱南渠河水涸往來者于河底陸行達省禾

稼盡枯饑民掘土煮食名觀音粉

康熙二十二年春大雨連綿數月大小麥將浥知縣龔嶸虔
禱始霽民得春收

乾隆十六年七月海寧富陽餘杭臨安昌化及杭州衛旱奉

旨賑恤

巡撫永
貴奏

乾隆二十七年七月大風雨山水驟至仁和錢塘海寧餘杭
及杭州衛仁和場民屯田地竈被淹奉

旨賑恤

府志

嘉慶九年夏久雨損稼米貴

嘉慶十年春雨捐蠶麥米貴奉

旨賑恤

餘杭縣志

卷三十七

祥異

十三

餘杭縣志卷三十七終